



Inatsisartuni ilaasortaq,
Aqqa Samuelsen, Inuit Ataqatigiit

**Erngup nukinganik iluaquteqarluni Aasiaat aamma Qasigiannuguit
akornanni, kiisalu Nuummi nukissiorfiliornissaq pillugu § 37-mi apeqqut
nr. 2019/359-imiittunik akissuteqaat**

16-12-2019
Sagsnr. 2019-22848

Postboks 1601
3900 Nuuk
Tlf. (+299) 34 50 00
E-mail: isiin@nanoq.gl
www.naalakkersuisut.gl

Inatsisartut suleriaasianni § 37 malillugu Naalakkersuisunut apeqqutit ataaniittut saqqummiussimavatit, taakkulu matumuuna akineqarput.

Naalakkersuisunut apeqqutit:

- 1. Qasigiannuguit Aasiaallu akornanni aammalu Nuummi erngup nukissiorfiliornissamut tunngatillugu kingusinnerpaamik ukiaq 2020-mi inatsisissanik suliaqarnissamik Naalakkersuisut suliaqarput. Siunnersuutip suliarineqarani Inatsisartut qanoq peqataatinniarneqarnersut Naalakkersuisut nassuiarsinnaavaat?**

Akissut:

UKA2019-imi siunnersuummi tunngaviissiisummut aallarniutaasumi tullerriaakkatut malittarisassat (Immikkoortut A-mit D-mut) malillugit Qasigiannuguit aamma Aasiaat pilersornissaannut erngup nukinganik iluaquteqarluni nukissiorfiliornermik, aamma Nuummi erngup nukinganik iluaquteqarluni nukissamik pilersuiffiup allineqarnissaanut Naalakkersuisut sulissuteqaqqunissaat pillugu Inatsisartut aalajangiiffigisassaattut Siunnersuut Naalakkersuisut saqqummiuppaat.

Aalajangiiffigisassatut siunnersuummi Naalakkersuisut pisussaaffilerneqarput sulissutigisagaat erngup nukinganut nukissiorfiliornissaq Qasigiannuguanik aamma Aasiannik pilersuisussamik, aamma erngup nukinganik iluaquteqarluni Nuummik pilersuinnermut nukissiorfiup allineqarnissaa, malittarisassat tulliuttut naapertorlugit ingerlanneqartussamik:

A) Naalakkersuisut kingusinnerpaamik UKA 2020-imi saqqummiussaqaassapput siunnersuummik, erngup nukinganut nukissiorfiliornissamut Qasigiannuanut aamma Aasiannut pilersuisussamik aamma erngup nukinganik nukissiorfiup Nuummik pilersuisup allineqarnissaanut sanaartugassanut.

B) Sanaartugassanut pilersaarummi ataatsimoortumi illoqarfinnut pingasunut atuuttumi Ilitsersuummi Inuiaqatigiit Aningaasarsiornerannut Kingunerisassanik Nalilersuisarnermi niuernikkut tunngaviusussatut piumasaqaatit naammassineqassapput, tak. ersarinnerusumik immikkoortoq 4, aalajangiiffigisassatut siunnersuummut tunngavilersuutini.

C) Naalakkersuisut kingusinnerpaamik UKA 2020-mi saqqummiussaqaassapput aningaasalersuinissamut, ingerlatsinissamut aamma piginnittuunissamut siunnersuummik, sanaartugassanut Qasigiannugit aamma Aasiaat eqqaanni, kiisalu Nuummi, aningaasalersuinissamut killiliussat ilanngullugu nassiunneqartumi nassuiaasiamiittut iluanni aaqqissuunneqartumik, tak. ersarinnerusumik nassuiaasiami immikkoortoq 5, aalajangiiffigisassatut siunnersuummut tunngavilersuutini.

D) Naalakkersuisut inatsisiliornissat pisariaqartut aallartissavaat, erngup nukinganik iluaquteqarluni nukissiorfiliassanut atatillugu ilutsip toqqarneqartup naammassineqarnissaanut sanaartornissamut, ingerlatsinissamut aamma aningaasalersuinissamut.

Ilisimaneqartutut qulaani pineqartutut siunnersuut UKA2019-imi Inatsisartut akuersissutigaat.

Inernerisat sapinngisamik piaarnerpaamik Inatsisartunut saqqummiussinnaanissaat siunertaralugu siunnersuummik suliaqaqqinnissartik Naalakkersuisut ilungersuutiginiarpaat.

2. Erngup nukissiorfiliortoqarnissaanut tunngatillugu Nukissiorfiit A/S-inngortinneqarnissaa periarfissaasoq Naalakkersuisut Inatsisartunut paasissutissiissutigaat, tamanna inuiaqatigiinnut aningaasatigut qanoq kinguneqarsinnaanersoq Naalakkersuisut misissuititsisimappat?

Akissut:

Aammattaaq ilisimaneqartutut aalajangiiffigisassatut siunnersuummi, aamma ilanngunneqartutut nassuiaammi misissueqqissaarinerni ingerlaqqittussani ilaasinnaasutut najoqqutassatut aningaasaliinissamut ilutsit arfinillit ilaapput. Naliliinerugallarnerunerat nassuiaammi takuneqarsinnaavoq, UKA 2020-mi

naammassineqarsimasussamik iternga tikinnerullugu misissueqqissaarinissaq pisariaqartussaassaaq.

Nassuiaasiami aaqqissuussinerit – ilutsit – eqqartorneqartut makkuupput:

1. Aningaasanut inatsisikkut tullerriaarinerimik tunngaveqartumik aaqqissuussinerup allanngortinneqarnera.
2. Iluseq 1 akullugu nunatta karsianiit attartornermik, erngup nukinganik iluaquteqarluni nukissiorfiliornissanik aningaasalersuinissamut.
3. Nukissiuutinut akitsuummik immikkut siunertamut atorneqartussamut katersinikkut, immikkut inatsimmik tunngaveqartariaqartukkut.
4. Nukissiorfiit ingerlatseqatigiiffinngortillugit nammineq attartornikkut suliniutinik aningaasalersuisinnaangorlugit aaqqissuussinikkut.
5. Erngup nukinganik iluaquteqarnikkut nukissiorfiit immikkut – ingerlatseqatigiiffinngorlugit aaqqissuussinikkut.
6. Aaqqissuussineq BOT. Pisariaqassaaq avataaniit aningaasalersuisussanut isumaqatigiissuteqarnissaq, tamatumunngalu tunngavissanik pilersitsinissaq.

3. A Erngup nukissiorfiliortoqarnissaanut tunngatillugu USA-p aningaasalersueqataanissaanut soqutiginninneq pillugu Naalakkersuisut itisilerlugu nassuiarsinnaavaat?

Akissut:

2019-imi aasalernerani Inuussutissarsiornermut, Nukissiuuteqarnermut Ilisimatusarnermullu Naalakkersuisusut ataani atsiortunga nukissiuutinik suliaasaqarfimmi suleqatigiinnissaq pillugu State Departmentilu pisussaaffigiligaanngitsumik isumaqatigiissut (Memorandum of Understanding) atsiortpara.

Tamatuma saniatigut 2019-imi oktobarip naanerani Naalakkersuisut sinnerlugit ataani atsiortunga nukissiornerup ilisimatusarnerullu iluini suleqatigiiffiusinnaasutut takkussinnaasut pillugit Amerikamit aallartitat, US Secretary of State's Councilor Thomas Ulrich Brechbuhlmit siulersorneqartut ataatsimeeqatigaakka. Tassunga atatillugu qulaani eqqartorneqartut aalajangiiffigisassatut siunnersuut pillugu Amerikamit aallartitat ilaatigut ilisimatinneqarput, ilanngullugit UKA2020-mi siunnersuut najoqqutaralugu Inatsisartut isummerfigisassaattut aningaasaliinissamut ilusaasinnaasut taakku arfinillit.

B. Erngup nukissiorfiliortoqarnissaanut tunngatillugu aningaasalersuinissamut Nunarput USA-llu akornanni oqaloqatigiinnerit ingerlanneqarpat?

Akissut:

Naagga.

4. **A. Qasigiannugit Aasiaallu akornanni erngup nukissiorfiliassap aammalu Nuummi erngup nukissiorfiliassap ataatsikkut sanaartorneqarlutik aallartinneqarnissaat maangamut qanoq piviusorsioertiginersoq Naalakkersuisut tunngavilersorsinnaavaat?**

Akissut:

Apeqquut 1-imut akissut innersuutigineqarpoq.


B. Qasigiannuani Nuummilu erngup nukissiorfiliassat sanaartorneqarnissaat qaqugu aallartissinnaanersut naatsorsuutigineqassava?

Akissut:

Apeqquut 1-imut akissut innersuutigineqarpoq.

Inussiarnersumik inuulluaqqusillunga

Med venlig hilsen



Jess Svane